



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### **Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphaliam illustrârunt**

Complectens eorum vitas, qui certò aut verisimiliter Natione Westphali  
reperiuntur cum titulo Sancti aut Beati

**Strunck, Michael**

**Neuhusii, 1715**

S. Volquinus, aliis Vulchinus, è Pastore vel Curione Westphalo Monachus  
Cisterciensis & Abbas Sichemensis in Thuringia

**urn:nbn:de:hbz:466:1-28481**



lacrymis perplutam exhibens ecce, inquebat,  
*lacrymas ejus in vestibus meis porto.* Alteri cui-  
 dam viro devotissimo, cujus nomen, quòd ad-  
 huc secum viveret, consultò Helmoldus præ-  
 terit, trigesimo pene post mortem die appa-  
 rens prædixit: si ita laborare pro Deo perge-  
 ret, locum ei cum S. Bernardo Clarevallensi  
 tum adhuc in vivis superstite in cælo præpa-  
 ratum esse. Cùmq; ille velut sciscitaturus re-  
 poneret magno gemitu: *Vtinam & tu Domi-  
 ne jam esses in æterna requie! sum,* inquit, *Dei  
 gratiâ. Et vos quidem credidistis me esse mortu-  
 um; ego autem post fata vivo, & semper vixi.*  
 Quidni in cælis viveret, qui tam multis de-  
 derat, ut possent æternùm vivere?

## S. VOLQUINUS

aliis

## VULCHINUS

è Pastore Westphalo Mo-

nachus Cisterciensis ac postea Abbas

Sichemensis in Thuringia.

*Refertur cum titulo aut Sancti aut Beati à  
 Chrysost. Henrig. in Menolog. Cisterc. ad diem 18  
 Septembris. Philippo Seguin. l. 3. Ss. Ordinis Ci-  
 sterc. c. 53. tit. de S. Vulchino Abbate in Si-  
 chem.*



Mem. Angelo Manrique in laurea Evang. l. 3.  
 discurs. 3. Gelenio in sacris Fastis Agrippin. ad  
 diem 13 Novembris. Ioanne Abbate in Catal. Ss.  
 Ordinis, ac denique à Bollandò in Actis Ss. to. 2.  
 Ianuar. pag. 1151. in addendis ad vitam B. Hase-  
 kæ Virginis, ubi etiam promittit ejus vitam  
 suo tempore evulgandam ad diem 13 Novembris.  
 Westphaliæ huic Sanctæ eum inserimus, quia,  
 licet non omnino certum nobis sit eum fuisse natio-  
 ne Westphalum, constat tamen eum, priusquam ad  
 Ordinem Cisterciensem sese transtulit, fuisse Cu-  
 rionem sive Pastorem in Westphalia, uti præter  
 alios testatur Gelenius loco supra citato, dum in-  
 quit: Eodem die B. Volquini quondam Pa-  
 rochi in Westphalia, deinde Abbatis Cister-  
 ciensis in Sychem. Imò Bollandus loco citato sa-  
 tis innuit eum fuisse natione Westphalum. Cum  
 enim disputasset ibi, num B. Haseka fuerit natio-  
 ne Westphala, statim subjicit: Fuit quidem  
 è partibus Rheni oriunda Haseka; sed an  
 Westphala, nusquam disertè asseritur. Si quis  
 S. Volquini gentilis sui, fors & consanguinei  
 famâ Sanctitatis motam abiisse in Thuringiã  
 opinetur, non equidem repugnabimus. Ille  
 quidem certè primùm in Westphalia curio,  
 dein Walckenredæ in Thuringia Monachus,  
 primus Abbas Sichemenensis fuit, ut in ejus vita





dicemus 13 Novembris. *Floruit circa annum  
1141, obiitq; die modò dicta. Compendium vi-  
tæ ejus damus ex iis, quæ de illo breviter refert  
Chrysost. Henriquez in Menolog. Fusio-rem suo  
tempore expectamus à Continuatoribus Bollandi.*

**S** Volquinus, postquam ad tempus aliquod  
•Pastoralem, ut vocant, curam gessisset in  
Westphalia, nescio quo impulsus Diviniore  
spiritu ad complectenda vitæ religiosæ stu-  
dia voluntatem cœpit adjicere. Vivebat ea  
tempestate S. Bernardus Cisterciensis institu-  
ti magnus propagator, cujus eximia virtus ac  
probitas cum ubique hominum plurimos ad  
suâ imitationem traheret, etiam Volquinus  
eodem exemplo ad ineundam perfectionis  
disciplinæ semitam adductus est. Prima reli-  
giosi tyrociniî rudimenta deposuit Walcken-  
redæ, quod olim Thuringiæ Monasterium  
erat; ubi intra breve spatium ita sese per o-  
mnes sanctitatis gradus in altum sustulit, ut  
vivente adhuc Bernardo primus cœnobii Si-  
chemensis Abbas in eadem Thuringia con-  
stitutus fuerit anno, ut Gaspar Jongelinus re-  
fert, 1141. Eminebat in eo præclarissima-  
rum virtutum admiranda varietas. Etiam  
cùm Abbatiali mitra conspicuus esset, victo-  
rum custodias, infirmorum xenodochia, pau-  
perum



perum casas, viduarum pupillorumq; tuguribla assiduus visitator obibat; & quidquid necessario eorundem victui deesse poterat, singulari charitatis obsequio ministrabat. Peregrinos & advenas, quos hospitii captandi causâ ad Monasterii Sichemenis septa deducebat iter, non modò suscipiebat libentissimè; sed etiam eorum pedes suis ipse manibus demissè abluebat, ratus ad se pertinere illud nostri Servatoris monitum: [a] *Si ego lavi pedes vestros Dominus & Magister vester; & vos debetis alter alterius lavare pedes.* In Deum & res cœlicas tanto ferebatur affectu animi, ut terrena pertœlus omnia cor suum non aliis pene deliciis oblectaret, quàm quæ è bonorum supernaturalium & æternorum consideratione hauriri solent. Tandem virtutum suarum famâ & prodigiis perpetratis clarus ad perennem in cœlo felicitatem transiit die 13tia Novembris.

[a] Joann. 13.



Z 4

B. WAL-